

**Dissertatio inauguralis physico-medica De naso / quam ... sub praesidio ...  
Georgii Franci ... publico ... examini subjicit Franciscus Daniel Fissler ... Ad  
diem XXIII. Junii. M DC LXXIX.**

**Contributors**

Franck von Franckenau, Georg, 1643-1704  
Fissler, Franciscus Daniel  
Universität Heidelberg.

**Publication/Creation**

[Heidelbergae] : Literis Samuelis Ammonii, [1679]

**Persistent URL**

<https://wellcomecollection.org/works/mpwtams5>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

DISSERTATIO INAUGURALIS  
PHYSICO-MEDICA  
*DE*

N A S O

*Quam*

DEO JUVANTE  
CONSENSU & AUTORITATE  
GRATIOSISSIMÆ FACVLTATIS MEDICÆ IN  
PERANTIQVA ELECTORALI VNIVERSITATE  
HEIDELBERGENSI

SUB PRÆSIDIO

*Viri Nobilissimi, Excellentissimi, atque  
Experientissimi*

DN. GEORGII FRANCI,  
MED. ET PHIL. D. ET P. P. ORD. ACAD.  
S. R. I. NATVRÆ CVRIOSORUM  
COLLEGÆ.

Patroni, atque Præceptoris sui ad cupressum  
usque colendi.

PRO

*Summis in Arte Medica Honoribus, ac Pri-  
vilegiis Doctoralibus obtainendis*

*Publico Eruditorum Examini subjicit*

FRANCISCVS DANIEL FISSLER,  
Alzea - Palatinus.

*Ad Diem XXIII. Junii. M DC LXXIX.*

---

Literis SAMUELIS AMMONII, ACAD. Typogr.

**SERENISSIMO PRINCIPI AC DOMINO  
DOMINO**

**CAROLO  
LVDOVICO**

D. G.

**COMITI PALATINO AD**

RHENVM

S. R. I.

**ARCHITHESAVRARIO ATQ;  
PRINCIPI ELECTORI DVCI  
BAVARIÆ &c. &c.**

**DOMINO MEO LONGE CLEMENTISSIMO**

HVMILLIMA ADORATIONE  
PRO, SVMMA CLEMENTIA

**PATRI, MIHI, NOSTRISQVE BENIGNISSIME  
CONCESSA**

**DEVOTISSIME ADREPERE  
DEBVI**

Hanc Inauguralem humillime consecrans

**FRANCISCVS DANIEL FISSLER  
Alzea-Palatinus.**

# PRÆFATIO.

— — — *Balatro suspendens omnia naso :  
Hæc est conditio vivendi , ajebat , eoque  
Responsura tuò nunquam est par fama labori.*

**L**iceat hæc Horatii L. 2. Sat. 8. vers. 64. mea facere sub auspicio *Nasi* *mei*. Nolim equidem ex tenui hac farragine montes mihi aureos promittere, interea tamen hoc non diffiteor ; *& in tenui laborem fuisse*. Moris est, ut Artis nostræ Candidati thema aliquod inaugurale ad discutiendum, & ventilandum doctis propinent ; Atque ita hic affectum aliquem p. n. alter casum practicum, aliud de materia medica ; quisq; pro ingenii modulo. Mihi placuit & studium physiologicum repetere ; & Physiognomicum adtingere ; & Pathologicum ruminari ; & semioticum expendere, ut deinceps in therapia, & Hygiene felicior pergerem. Si labori tenuissimo nunquam respondebit fama, tamen credidero, & me Nasum habuisse, ut ut non tam emunctum, ac illi, qui

— — — *Nasum Rhinocerotis habent.*

Interim facile Martiali credo, *L. I. Epigr. 42 v. 18.*

*Non cuicunque datum est habere nasum*

Quare eodem monitore dico dissertationi meæ. *L. I. Epigr. 4. vers. ult.*

*I, fuge ; sed poteras tutior esse domi.*



C. D.  
CAP. I.

De Onomatologia, & Pragmatologia Nasi,

I.



Vm pridem s̄epicule corporis structuram per-  
lustrasse , de omnibus ejus ferme partibus  
jam dum plures scribisse , Nasum vero, to-  
tius faciei ornamentum , pr̄ter alios , quos  
habet usus, plane fere omissum , neminem-  
que hactenus de eo fuisse sollicitum , inveni.

Hinc structuram ejus , atque varios usus , explicando mihi  
proposui. Ante omnia itaque consideranda erit ejus Ety-  
mologia , unde scil. dicatur.

II. Sunt qui nares ac Nasum à nando derivatum existi-  
mant, quia ibi innatet, atq; enatet spiritus, Natare enim vide:ur  
propter humorem in his existentem qui veluti purgamentum  
quoddam è cerebro defluit, *ait. Nic. Perottus, in Cornucop. p. 13.*  
poret quoque dici per allusionem *Nas/* quasi *Nass/* i. e. hu-  
midus quia semper madet humore ex illo stillante; Cetero-  
quin credo esse primitivum.

III. Nec quoq; Homonymia omittenda, sagaces, nasutos vo-  
cat Festus, teste *C. Bauhin. in marg. theatr. anat. l. 3. c. 64.* Naris  
acutæ homo pro eo, qui acuto ingenio est, dicitur, item ho-  
mo nasi emunctioris. *Hinc & Ægyptii in suis Hieroglyphicis*  
*sagaces notant homines naso, scribente C. Bauhino in Theatr. anat.*

L. 3.

L. 3. C. 64. Nasus quoque aliquando pro subdola irrisione acepitur, *ceu ex Plin. L. II. allegat N. Perot. in Cornucop. p. 194.* Vnde modus loquendi usitatus, styli nasum condere, h. e. Satyram scribere, quæ acerbitate aliquam, atque acrimoniam styli habet. in vitiis insectandiss; *Inde Mart. Non cuique datum est habere nasum h. e. acrimoniam ad deridendum, & dicacitatem, Ut & proverb. vulgare, Er hat eine Nas bekommen. i. e. repulsam tulit cum dedecore.*

IV. Dicitur & per Synonymiam græc. πν & πτε, à πν fluo, quia per eum sordes & capitis superfluitates defluunt; Aliis μυκτηρε, à mucore, excremento pituitoso per illum destillante; *C. Bauhin. Theatr. Anat. L. 3. C. 64. pm. 455.* Nares equidem alias græcis dicuntur μυκτηρες; quandoque etiam nasus ipse à medicis vocatur μυκτηρ. *Castell. Lex Med. voce Nares, Nasus, ac Nasum dicitur Lucilio L. 7. & 22. citante Perott. in Cornucop. p. 1264. sed rarius, cœu scribit Matthias Martin: in Lex. phil. fol. 2140.*

V. A Paronymia quoque quidam dicebantur, ut Ovidius Naso dictus est, quia magnum Nasum habebant. *Martin. in Lex phil. p. 2139. Scipio, Nasica, Valer. Max. l. 3. c. 7. Nasiterna dicitur vas aquarium ansatum, & patens, Varro. de re rust. L. I. C 22. ex quo N. Perott. in Cornucop. p. 193. Nasalia, i. e. errhina, Diminutive, nasellus, nasiculus, nasitellus, quod barbare. Mart. Lex. Phil. p. 2129. Nasofus, i. e. magnum nāsum habens dicitur M. Martin. Philol p. 2139.*

VI. His itaque consideratis, oportet, ut etiam definitur, quid sit Nasus; Est autem nasus faciei pars protuberans, spiritui meatum præbens, ait *C. Bauhin theatr. Anat. L. 3. C. 64 p. 455.* Vel ea capit is pars est, quæ è superciliorum confinio oriens, & quasi æquali porrecta jugo, utramque faciem simul discernit, & munit. *N. Perott. in cornucop. p. 193. forte ex Domin. Leon. in arte Med. S. I. L. 6. C. I. p. 255.* Rectius

vero, si describere velim, dico; Nasus est pars dissimilans, in medio faciei posita, protuberans, radice contingens fere utrumque oculi canthum majorem, in fine duobus foraminibus deorsum spectans, supra labrum superius, variis constans partibus similaribus, ad odoratum, respirationem, variisque usus destinata.

VII. Dividitur autem Nasus in superiorem immobilem, & inferiorem mobilem partem. *C. Bauhin. Theatr. anat. L. 3. C. 64. p. 455.* ut & in internum, & externum. *C. Bauhin. ibid.*

## C A P. II.

### De partibus Nasi.

I. Constat vero nasus ex variis partibus similaribus, & quidem exterius investitur cuticula, quam sequitur cutis, hæc vero tenuis est, & pinguedine caret, ne nimium excrescat, *Th. Barthol. A. R. L. 3. C. 10. p. 357.* item *C. Bauhin. Theatr. anat. L. 3. C. 64. p. 456.* *Anton. Deusing. Inst. anat. p. 3. C. 5. L. 4. p. 285.*

II. Pinguedinem hic nullam esse ait *P. Barbette Anat. L. 2. c. 1. p. 328.* & *Anton. Deusing. Inst. anat. p. 3. c. 5. l. 4. p. 285.*

III. Musculos octo enarrat *Th. Barthol. A. R. l. 3. c. 10. p. 375.* & quidem exiguos, propter exiguum motum, 4. ad dilatationem, & totidem ad constrictionem; *Huic & consentire videtur Ant. Deusing. Inst. anat. p. 3. c. 5. l. 6. p. 287.* *Riol. Enchir. anat l. 5. c. 12. p. 337.* dividit in proprios, & communes, communem unicum facit, reliquos proprios, quorum tamen non plures quam quinque comprehendere possum. Quatuor proprios facit *Andr. Vesal. in hum. corp. Fabr. l. 2. c. 13. p. 291.* Nasus componitur ex variis lacertis, dilatantibus, & constringentibus, ait. *Joh. de Concōregio, prax. tract. I.* Lacertos autem musculos vocari.

cari, vid. Deusing. Inst. anat. p. 1. c. 2. thes. I. p. 29. & Fernel. Physiol. c. 2. Sex ponit P. Barbett. in anat. Pract. l. 2. c. 1. p. 328. in Nasutis vero 8. it. ibid. Plura de numero muscularum vide apud C. Bauhin. Theatr. anat. l. 3. c. 64. p. 456. ibi variorum sententias in margine ibid adnectit.

IV. Cartilagines, quæ substantiam inferioris nasi constituunt, s. constituit. Thom. Barthol. A. R. l. 3. c. 19. p. 359. consensit C. Bauhin. Theatr. anat. l. 3. c. 65. p. 459. & Andr. Vesal. in hum. corp. fabr. l. 1. c. 37. & Anton. Deusing. Inst. anat. p. 3. c. 5. l. 8. p. 286. P. Barbett. Anat. Pract. l. 2. c. 1. p. 321. tres facit Carpus in Anat. p. 58. Cartilaginea autem extrema hæc nasi pars esse debet, magna naturæ providentia, ut facillime claudi, malorumque odorum ascensus prohiberi, ac rursus aperiri, dilatarique possit, aëris attrahendi causa; Præterea hæc nasi substantia confert, ut vix lædatur ab extrinsecis, quibus occurset: presta enim cedit, frangi nescia, quæ utilitates adeo necessariæ, sublatæ forent, si narium fabrica universa ex osse constaret. De hoc v. Reald. Columb. de re anat l. 2. c. 3. p. 183. Ludov. Vassau in Anat. corp. hum. Tab. 3. p. 142. & seqq. consensit quoque Nic. Perott. in Cornucop. p. 193. & Dominic. Leon. in arte Med. S. I. l. 6. c. 1. p. 255.

V. Ossibus constat duobus extrosum eminentibus, quibus exstructus est, ait Riol. Enchir. anat. l. 4. c. 6. p. 297. duo etiam constituit P. Barbette in anat. Pract. l. 1. c. 3. p. 252. & l. 2. c. 1. p. 321. Hæc ossa autem sunt triangularia, fronti contigua, versus angulos lachrymales perforata foraminibus parvis, vid. Carp. anat p. 58. Dom Leon. in arte Med. S. I. l. 6. c. 1. p. 255. Fern. Physiol. l. 1. c. 3. p. 9. ossea hæc existit, ut sit tanquam oculorum murus ait Georg. Bertin. Med. l. 5. c. 5. p. 84.

VI. Nervi sunt à tertio pari, qui per foramina ejus & oculorum comunia ad majorem angulum, in tunicam nasi abeunt, & ad musculos, atque palatum vergunt, v. Th. Barthol.

*thol. A.R.l.3.c.10.p.360. & C.Bauhin. Theatr.anat.l.3.c.65. p. 460. Ant. Deusing. Inst.anat.part.3.c.5.p.288.*

VII. Adsunt quoque arteriæ, quæ sanguinem pro nutritione adferunt *v. C.Bauhin. Theatr.anat.L.3,c.65,p.460.* Has autem à carotidibus oriri, *v. Th.Bartholini. A.R.l.3.c.10.p.36. & Ant. Deusing. Inst.anat.p.3.c.5.p.288.* inde & à carotidibus nutrimentum ipsi advehi ait. *P.Barbett. Anat.Pract.l.2.c.1.p.328.*

VIII. Venas etiam habet ex jugularibus, ad revenerendum sanguinem *v. Th.Barthol. A.R.l.3.c.10.p.360. Ant. Deusing. Inst.anat.p.3.c.5.p.288.* hinc venæ ex jugularibus sanguinem non satis coctum revehunt. *ait P. Barbette Anat.pract.l.2.c.1.p.328.*

IX. Et quemadmodum in omnibus fere corporis partibus, vasa lymphatica solers anatomicorum indagatio, sic & in hac parte invenit de quibus *v. Mæb. Physiol.p.m.326. & seqq.* ubi usum atque naturam eorum fusiūs describit.

X. **Os cribriiforme**, seu tabulam cribrosam ossis Ethmoidis ad nasum quoque pertinere vult. *Riol. Enchir. anat. l.4.c.6. Anat. Deusing. Inst. anat. p.3.c.5.p.288.* Multis foraminulis hoc, cribri instar (unde & ei nomen) pertusum est ad aëris odore imprægnati in cerebrum (vel potius nervos olfactorios) transmissionem, *ait Barthol. Bausner. in consensu part.l.2.c.2.p.113.* De hoc pecul. tract scripsit *Conr. Vict. Schneider. ubi p.18. calvariae ossibus adnumerat, ibique ingentem catalogum auctorum varie sentientium adnectit.*

XI. Processus quoque mammillares ad nasum pertinere vult. *Riol. Enchir.anat.l.4.c.6. & quidem ad internum Th. Barthol. A.R.l.3.c.10.p.357.* sunt autem hi, duæ cerebri protuberantia intra cranium in sinubus ossis Ethmoidis recumbentes ad quas nervi olfactui inservientes terminantur *v. Ant. Deusing. Inst.anat p.3.c.5. p.258.* eosque olfactus organa esse, contendere, atque ex ipsamet cerebri substantia constare, & prolongari vult, *Reald. Columb. de re anat l.8.c. p.356. Consentit.*

quoque

quoque C. Bauhin Inst. anat. p. 157. Verum hos processus non esse olfactus organa, sed nervos tertiae conjugationis, in narium cavitatem expansos, contendit Mæb. Physiol. c. 22. p. 608. quo cum & consentit & rationem addit Conr. Vict. Schneider. tract. de osse cribiformi. p. 102.

**XII. Tunica** quoque nares succingit, quæ à durameninge est, teste Th. Barthol. A. R. l. 3. c. 10. & Reald. Columb. de re anat. l. II. c. I. p. 407. C. Bauhin. anat. l. 3. c. 65. p. 460. Barthol. Bausner de consensu part. l. 2. c. 2. p. 114. Lod. Vassæo in anat. Corp. Hum. Tab. 3. p. 143. Ant. Deusing. Inst. anat. p. 3. c. 5. p. 286. P. Barbett. in anat. pract. l. 2. c. 1. p. 328. Est autem communis ori, palato, lingvæ &c. sed in naribus tenuior est & exquisitioris sensus, multis foraminibus ad os cribrosum pertusa, uti Th. Barthol. C. Bauhin. Barthol. Bausner. &c. Loc. supra citat. Hanc membranam vocat Riol. Enchir. anat. l. 4. c. 6. p. 298. & P. Barbette anat. l. 2. c. 1. p. 328. quomodo vero membrana, & tunica differant, v. Deusing. Inst. anat. p. c. 1. §. 3. 4. p. 25. & seqq. Anatomici enim indifferenter utuntur membranæ, & tunicæ nomine uti C. Bauhin. Inst. anat. p. 8. Fernel. Physiol. l. 13. p. 24.

**XIII. Vibrissis** interne etiam cingitur uti Th. Barthol. A. R. l. 3. c. 10. p. 357. item Ant. Deusing. Inst. anat. p. 3. c. 5. p. 285. vibrissæ autem pili, quibus internus narium ambitus cingitur, appellantur quod iis dum evelluntur, caput vibratur v. C. Bauhin. Theatr. anat. l. 3. c. 64. p. 456. Usus vero earum est, ne animalcula nares intrare possint, nec forte inspiratione attrahi, consentire videtur Barthol. Bausner. de consensu part. l. 2. c. 2. p. 114. ubi ait, *Vibrissæ sub septo nasi in columella pronatae ne aliquid temere nares ingrediatur, aut nobis in vitis excidat, carent.*

### C A P. III.

#### De Regionibus Nasi.

I. **R**egiones nasi etiam ab anatomicis varie nominantur; Dorsum enim pars ista, superior ossea, atque immobilis, B vocatur.

vocatur. *Th. Barthol.* A.R.l.3.c.10.p.357. & *C. Bauhin.* *Theatr. anat.* l.3.c.64.p.455. *Ant. Deusing.* *Inst. anat.* p.3.c.5.l.2.p.284. & *hac etiam Lepor* *vocatur Carpo.* *anat.* p.57.

**II. Spina** autem vocatur pars ista, sive regio acuminate. *Th. Barthol.* A.R.l.3.c.10.p.357. *Ant. Deusing.* *Inst. anat.* p.3.c.5.l.2.p.284.

**III. Inferior pars cartilaginea** est, atque mobilis, ejusque una extremias dicitur **nasi globulus** *Th. Barthol.* A.R.l.3.c.10.p.357. **Orbiculus, & globulus** quoque dicitur *Ant. Deusing.* *Inst. anat.* p.3.c.5.l.2.p.285.

**IV. Alarum** nomine donantur latera nasi, quod quasi alarum modo nares occludant, referentque de his *v. Andr. Vesal.* in *Hum. Corp. fabr.* l.1.c.37.p.183. **Alaria** (potius *ωτεργύια*) quoque vocat *Galenus* l.3. de *V. P. teste Carpo anat.* p.57. **Alæ & Pinnæ** quoq; vocantur *Th. Barthol.* A.R.l.3.c.10.p.357. **Consentit** *C. Bauhin.* *Theatr. anat.* l.3.c.64.p.456. **Pinnulas & alas** etiam vocat *Lod. Vassaeus* in *anat. corp. Hum. Tab.* 2.p.142. *P. Barbett.* *anat. Pract.* l.c.1.p.328. *Anton. Deusing.* *Inst. anat.* p.3.c.5.l.2.p.285.

**V. Columnnam** appellant partem carnosam, in medio narium prominentem, labioque vicinam, *Th. Barthol.* A.R.l.3.c.64.p.456. *Carpus anat.* p.57. *P. Barbett. anat. Pract.* l.2.c.1.p.328. & *Anton. Deusing.* *Inst. anat.* p.3.c.5.l.2.p.285.

**VI. Intrinsecus** porro dividitur nasus per **Septum** in duo foramina vel sinus, quos **Nares** vocant, *Th. Barthol.* A.R.l.3.c.10. *C. Bauhin.* *Theatr. anat.* l.3.c.64.p.455. aliquie. Græcis vocantur *μυκήτες*. Hæcce duo foramina vel sinus ideo adesse, ut uno obstructo altero in & exspirare quæamus ait. *Th. Barthol.* A.R.l.3.c.10. Hæcce foramina aliquando 7. mense genitis defuisse scribit *N. Perott.* in *Cornucop.* p.194.

**VII.** **S**eptum autem, ut & Diaphragma, & Interfœminem nasus, vocatur intermedium, duo ista foramina, quæ nares dicuntur, distinguens, *Carp. anat. p. 57.* *Hinc & Dom. Leon. in arte Med. S. 1. l. 6. c. 1. p. 255.* ait, *Cartilago nasum per medium dividens, quem septum porrectum & Nasi diaphragma, interstitiumque vocare solent, aliis duabus cartilaginibus durior est, eo quod nasum erectum, & firmum sustinere debuerat.*

## C A P. IV.

### De Connexione Nasi.

**I.** **P**ertingit autem nasus in superiore parte ad os Ethmoides, *uti Riol. Enchir. anat. l. 4. c. 6. p. 297.* cum quo & consentire videtur *Ant. Deusing. Inst. anat. p. 3. c. 5. p. 288.* tunica vero ejus interna ad meningem crassam pertingit, unde etiam oritur, estque communis & continua ei, quæ os, lingvam, pharyngem, &c. intrinsecus tegit, *uti jam supra C. 2. de partibus Nasi explicatum.*

**II.** Sunt etiam duo foramina superius in radice nasi, versus lachrymalia oculorum, & idcirco cum collyria imponuntur oculis, percipitur in naso odor, propter aperturam istam, quæ ibi est versus nasum, & lachrymalia, de quibus *J. de Concoregio, Pract. Tract. I. c. 82. p. 40.*

**III.** Altera autem pars narium supra palatum fertur in oris intima, & fauces, und fit, ut aliquando potus per nares effluat, *de hoc v. C. Bauhin. Theatr. anat. l. 3. c. 64. p. 456. consenserit & Th. Schenck in Schol. part. Corp. Hum. p. 1. c. 10. p. 42.*

## C A P. V.

### De situ Nasi.

**I.** **S**itus est nasus in medio faciei, oculos, & faciem in duas partes

partes æquales discerminans , uti ait Riol. Enchir. anat. l. 4. c. 6. p. 297.

II. In altiori loco , videlicet inter oculos 1. ob venustatem , 2. quia omnis odor. ad superiora fertur , possum esse ait Thom. Barthol. A. R. l. 3. c. 10. p. 357. quod etiam concedit Lod. Cæl. Rhodig. Lect. antiqu. l. 3. c. 30. p. 205. & C. Baubin. Theatr. anat. l. 3. c. 64.

III. Monstrum aliquando , quendam nasum in spina dorsi habuisse qui proboscidem parvam referebat , inquit Ambros. Paræus ap. Fort. Licet. de monstrib. l. 2. c. 30. p. 131.

## C A P. VI.

### De quantitate Nasi.

I. **M**agnitudo nasi variat, alii enim maximum, alii parvum, alii simum, alii aquilinum &c. habent nasum, v. Th. Barthol. A. R. L. 3. C. 10. p. 357.

II. Ejus longitudinem , atque latitudinem indecoram esse , si pollicis longitudinem , atque crassitatem excedat , ait Riol. Enchir. anat. L. 4. C. 6. p. 297. Ant. Deusing. Inst. anat. p. 3. C. 5. L. 1. p. 284.

III. Exiguum admodum nasum Sinensibus esse atque vix prominere, scribit Trigault. de regno Sinae C. 8. p. 192. ab orientis parte intima homines sine naribus facie plana, æquali totius corporis planicie esse, scribit Plin. H. N. L. 6. C. 29. ap. Schenk. in obs. de capite obs. 329.

IV. Contra de magnitudine nasi Th. Barthol. C. 2. p. 44. Citante Blasio in appendice Fort. Liceti de monstrib. p. 277. narrat , Romæ cuidam nasum fuisse adeo magnum & pendulum , ut veluti proboscis Africano gallo hinc inde cum corporis motu comovetur.

moveatur. Huc & referri potest nasus, **civis Montbelgarden-**  
**sis, de quo Contubernalis meus mihi narravit, qui nasum**  
**naturaliter bene conformatum, triplici quantitate supera-**  
**bat. Item jocum de naso magno, qui *instar horologii v. ap.***  
**Othmar. Luscin. in jocis ac salibus §. I.** De maxima defœdatione  
 quoque nasi per tubercula verrucarum hinc inde enata in ce-  
 lebri horologiorum artifice Argentorati. **D. Franc. Celeb. præ-**  
**ceptor honorat.**

3. Basileæ circa Paschalis festum Anni 1556. infans adeo  
 scissis, atque apertis naribus natus est, ut inde ejus cerebrum  
 facillime fuerit conspectum, *ex Lycosthene allegat Schenk. in Obs.*  
*de Cap. Obs. 329. Die Moren drücken ihren Kindern in der Ju-*  
*gend die Nassen breit / Hermersem. in seiner Reißbeschreibung/*  
*c. 4. p. 35.*

**VI. Duplicem quoq; nasum** meminit *Th. Barthol. H. 25. c. I.* in puella, in cuius nasi dorso prope oculorum  
 confinia carnosus tumor adnatus, cernebatur, qui secundi  
 alicuius naasi speciem referebat, **Duplicem quoque v. apud**  
*Borell. Obs. c. 3. Obs. 43.*

## C A P. VII.

### De Figura Nasi.

I. **F**igura Nasi quoque ad commoditatem, atq; ornamen-  
 tum multū refert, nam elatior præstat simo, & patulæ nares  
 strictis præferendæ, Inquit *Riol. Enchir. anat. l. 4. c. 6. p. 297. item*  
*Ant. Deusing. Inst. anat. p. 3. c. 5. l. 1. p. 284. variat. autem figura uti*  
*Th. Barthol. A. R. l. 3. c. 10. p. 357.* Dr. Presserus Medicus spagyri-  
 cus Solertissimus, virum circa urbem Granatam circa Montal-  
 banum vidit, qui nasum omnino *instar semper vivi* habebat,  
 cuius folia apparebant, *teste Borello c. 4. Hist. 100.*

II. Nostra ætate visa est puella , cuius os frontis, & ossa naris ita producta erant, ut ipsi caput porcinum impositum esse videretur, ait. C. Vict. Schneider. in tract. de osse Cribriformi. p. 396.

III. Spectat. quoque ad nasi mirabilia, qui nasum huc & illuc libere movent, atque controquent; Novi ego inquit Schott. in Phys. Cur. L. 3. c. 23. p. 571. virum religiosum, ac doctum, qui nasum inter loquendum movebat adeo manifeste, ut risum inassuetis & sibi ipsi ruborem induceret.

## C A P. VIII.

### De Vsu Nasi, & quidem Physiologico.

I. **S**equitur jam usus nasi, & quidem **Physiologicus** primo, qui varius est. Odoratui inservire, sc. ut odores pereum deferantur usque ad processus mammillares, supra os cribriforme latitantes, unde, quibus nasus ad radicem usque abscessus est, vel non olfaciunt, vel male uti Th. Barthol. A. R. l. 3. c. 10. p. 360. consentit. quoq; Riol. Enchir. anat. L. 5. c. 12. C. Bauhin. Theatr. anat. l. 3. c. 45. p. 461. Nic. Massa anat. c. 41. p. 93. Lod. Cal. Rhodig. Lect. antiqu. l. 3. c. 30. p. 206. & quidem primarium olfactus organum Barthol. Bausner. in consensu part. l. 2. c. 2. p. 113. Ant. Deusing. Inst. anat. p. 3. c. 5. l. 1. p. 284. ut & Th. Schenk. in Schola part. hum. corp. p. 1. c. 10. p. 41. Scribit odores percipere narium proprium est.

II. **A**d mucum excernendum ut sc. excrementa cerebri per eum cum canalem effluant, secundarium usum esse ait. Th. Barthol. A. R. l. 3. c. 10. p. 360. ubi simul causam addit, consentit quoque Lod. Cal. Rhodig. Lect. antiqu. l. 3. c. 30. p. 206. Anton. Deusing. Inst. anat. p. 3. c. 5. l. 1. p. 284. Confer quoque Barthol. Bausner. de consensu part. l. 2. c. 2. p. 113. C. Bauhin. Theatr. anat. l. 3. c. 45. p. 461. Nic. massa anat. c. 41. p. 93. Hinc & narium minus

minus proprium esse excrementum quod à vicinis partibus ductibusq; salivalibus Stenonii affluit, cum terminis excipere,  
*Inquit J. Theod. Schenk. in Schol. part. Corp. Hum. p. I. c. 10. p. 41.*

**III. Ad vocem** quoq; conferre *v. Th. Barthol. A.R.l.3. c. 10. corp. in anat. p. 58. C. Bauh. Theat. anat. l. 3. c. 45. Lod. Cæl. Rhodig. Lect. antiqu. l. 3. c. 30. p. 206. Barth. Bausner. in consensu part. l. 2. c. 2. p. 113. J. Theod. Schenk. in Schol. part. Corp. Hum. p. I. c. 10. p. 41. ubi ait.* Ingrata admodum & horrida est brutorum, hominumque loquela, truncatis, male conformatis, aut obstrutis naribus, ad quarum aptam manus ope factam compressionem, dulcissimus iste Dulciani instrumenti, sono musico analogus, non sine summo auscultantiam oblectamento sub auditur sonus.

**IV. Ad ornatum faciei** etiam facere, *v. Th. Bartholin. C. Bauhin. Barthol. Bausner. l. l. a. a.*

**V. Ad aërem quoque transmittendum** nares faciunt. *v. Anton. Deusing. Inst. anat. p. 3. c. 5. l. 1. p. 284. ut & Th. Barthol. A. R. l. 3. c. 10. inquit,* nares sunt, ut per eas aër intret, usque in cerebrum, pro Spirituum animalium necessitate, cum quo consentire videtur *Barthol. Bausner. in consensu part. l. 2. c. 2. p. 113.* **Inspirationi, & expirationsi** inserviunt, ut per eas aër intret in pulmones, pro refrigerio sc. Cordis, & Spirituum vitalium generatione ait *Th. Barthol. loco. cit. & Carp. anat. p. 78.*

**VI. Hoc vero negat Mæb. Inst. p. 58.** & potius, ut sanguis ventiletur, & vapores sylvestres seu exrementitii, quos aliqui sinistre fuligines appellant, excludantur, cum quo & convenire videtur *J. Theod. Schenk. in Schol. part. Corp. Hum. p. I. c. 10. p. 41.* Quando ait, narium minus proprium est aërem ad inspirationem ad guttur, & pulmones promovere

vere, egredientibus autem per exspirationem fuliginosis vaporibus exitum præbere.

VII. Huc & referri potest de **Odore**, an sc. odore nutritri possimus? quod & eleganter negat, *Conn. Vict. Schneider de catarrhis.*

## C A P. IX.

### De Usu Pathologico Nasi.

I. **N**Asus tam interne, quam externe varie laborare solet.  
v. Riol. Enchir. anat. l. 4. c. 6. p. 298. advertendum, quoque est, in naribus, seu naso generari posse omnia tria genera morborum sc. Intemperiei, conformatio[n]is, & solutæ unitatis, scribit *J. de Concoreg. Pract. Tract. I. c. 8. p. 40.* Cui & assentire videtur *Dom. Leon.* quando ait, *in Arte Med. S. I. l. 6. c. 1. p. 256.* Nasus quovis genere ægritudinis affici potest.

II. Unde & variis symptomatibus vexatur, odoratum enim primo quod attinet, iste vel aboletur ex impedito narium, ethmoidisque ossis meatu, quo Spiritus, ac odor duci solet, idque vel Sarcomate, vel phlegmone, polypo, coryza, vel alia quadam læsione, *v. Theod. Corbeij. Pathol. l. 2. S. 2. c. 50. p. 225.*

III. Imminuitur odor ejusmodi à causis verum levioribus.

IV. Depravatur autem ex his duntaxat partibus, quæ circa nares & os ethmoidis sunt, quando exulcerantur, putridaque materia generatur, ut in **Ozæna**, aliisque putridis, vel cancro[sis] ulceribus, vel quando certum odorem perferre non possumus.

V. De Sarcomate, polypo, coryza, ozæna aliisque, cum aliquomodo intentio facta sit, restat, ut etiam describatur, quid sint.

**VI.** Et quidem **Sarcoma** est carnis in naribus præter naturam auctio , differens à polypo magnitudine & opificio, ait *Castell. Lex. Med. Tit. Sarcoma p. m. 361.*

**VII.** **Polypus** autem est caro fungosa, è tubulis narium enata, tum loquelæ, tum respirationi difficultatem inducens , v. de hoc *J. van Horn. Microtechn. §. 8. p. m. 82.* *Dom. Leon. in Arte Med. s. I. l. 6. c. 5. Fel. Plater. Prax. Tom. 3. l. 1. c. 3. p. 178.* *Th. Barthol. A. R. l. 3. c. 10. p. 360.* *Castell. Lex. Med. in voce Polypus.* *P. Forest. in l. 3. obs. 8.* *C. Bauhin. Theatr. anat. l. 3. c. 45. p. 459.* *Fabr. Hild. Cent. Epist. 61.* *Bened. Sylvat. Cent. 2. Conf. 23.* *P. Barbett. anat. Pract. l. 2. c. 1. p. 343.* De **Polypo** qui ex utroque nare ad labium imum usque pertingebat, feliciter autem curato, v. *Henr. ab Heer obs. 28. p. m. 310.* De **obstructione** admodum diuturna narium v. *P. Forest. l. 13. obs. 9.* *Barthol. Montagnan. Conf. 55. p. 77.*

**VIII.** **Coryza** sive gravedo autem est obstrucción narium ab humore viscido, sæpe acri, desfluente à capite, v. *Castell. Lex. Med. sub hac voce.* *P. Forest. l. 13. obs. 15.* *P. Bayr. in veni mecum l. 5. c. 4. p. 127.* *Fel. Plater. Prax. tom. l. 2. p. 599. & 608.*

**IX.** **Ozæna** autem dicitur ulcus narium antiquum, & valde fœtidum , v. Schmitz in prax. sub voce ulcus narium p. m. 239. *Riol. Enchir. anat. l. 5. c. 12.* *Castell. Lex. Med. sub hoc tit.* *P. Bayer. in veni mecum, l. 5. c. 3. p. 123.* *P. Forest. l. 13. Obs. 2.* *Fabr. Hild. c. 2. Obs. 22. & 23. & cent. Epist. 94.* *Schenk. in Obs. de Cap. Obs. 334.* *Alex. Trall. l. 1. c. 35. p. 112.*

**X.** **Sternutatio**, das Niesen / quoque ad narium affectus referritur , est autem cum magno impetu , & vociferatione cum corporis concussione aëris subita exsuffratio , per nares, sed mox iterum abrupta, excitata ab ejusmodi partibus, quæ sensilem nasi tunicam vellicant, atque irritant, de hac v. *J.*

de Concoreg. pract. Tract. I. c. 89. p. 41. pecul. tract. de hac Martin. Schook. item de hac Dom. Leon. in arte Med. S. I. L. 6. c. 5.

**XI.** Ulceribus quoque vexatur nasus, de quibus v. Concoreg. tract. Pract. I. c. 85. p. 41. Amat. Lusit. c. 5. Cur. 25. De ulcere in apice nasi v. Fel. Plater. Obs. l. 2. p. 364. Intra nares abscessus quoque quandoque fieri, v. Schenk. in Obs. de cap. Obs. 336. De Apostemate in superiore parte nasi v. Barthol. Montagn. Cons. 71.

**XII.** Frigore congelatum nasum v. apud Fel. Plater. Obs. l. 2. p. 367. Nasus frigore quoque comburitur, quod experti sunt pescatores Borussii & Curlandicij, quos J. Agric. Tract. 5. Chir. parv. apposito nivis vel glaciei frustulo, intra horae quadrantem persanari vidit, ceu scribit Th. Barthol. de usu nivis Med. c. 29. p. 163.

**XIII.** Pernionem quoq; in naso vidit, & quidem in extremitate ejus Sennert. prax. l. 5. p. 1. c. 15.

**XIV.** Tuberculum in medio nasi pueri ad instar cerasi rubri, v. ap. Fabr. Hild. c. 2. Obs. 66. simile tuberculum rubicundissimum in Mediolanensi v. apud Eudem ibid. De tuberculo v. Bened. Sylvat. c. 2. Conf. 26.

**XV.** De Fractura nasi v. Corn. Celsum. de re Med. l. 8. c. 5. & J. Scultet armam. Chir. Obs. 22. p. m. 235.

**XVI.** Huc & hæmorrhagia narium pertinet, de qua, & quidem ingenti, v. Bayr. in Veni mecum, l. 5. c. 7. p. 130. Fabr. Hild. Obs. Chir. c. 1. Obs. 16. Schenk. in Obs. de cap. 333. P. Forest. l. 13. Obs. 10. 11. 12. 13. & 14. Cæl. Rhodig. Lect. antiqu. l. 3. c. 30. p. 206. J. de Concoreg. Pract. tract. I. c. 84. p. 40. & Kozack tract. peculiar.

**XVII.** Vermes quoque in naribus deprehenderunt

varii auctores, uti Schenk. in Obs. de cap. obs. 337. V. Schneider. de osse Cribriiformi. p. 439. Gottfried Voigt Physicalischer Zeitvertreter/ welcher bey vielen Menschen observiret, daß in ihren Naslöchern schwarzköpfliche Würm gelegen/ als Spinnen.

**XVIII. Calculos** quoque ex naribus virginem quan-dam nobilem emunxisse, forma, & magnitudine dactylorum, ait Th. Barthol. c. 1. Hist. 33. Plater Tom. 3. prax. l. 2. c. 15. adhuc ser-vat calculum talem, quod & l. cit. p. 1002. confirmat.

## C A P. X.

### De Usu semiotico Nasi.

I. **V**aria quoque signa, tam **diagnostica** quam **pro-gnostica** à naso peti possunt. Nasum enim **acutum** partem faciei *Hippocraticæ facere v. Ex progn. aph. 6. & 7.* Item Nasus **acutus**, aut qui **pervertitur**, aut quocunque modo **retorquetur**, malum signum est, *Coac. l. 2. §. 72. & Celsol. 2. c. 6.*

II. In Elephantiasi ingraevcente præter alia signa eti-am nares inferiores contrahi, scribit *Petræus in Nosolog. Harm. Diss. 45. Θ. 19. p. 405.* Confirmatæ vero Elephantiasis signa, præter alia esse erosionem & casum mediæ narium cartilagi-nis imo totius nasi, putrefactionem, & erosionem. *Id. I-bid. Θ. 21.*

III. Nares præter consuetudinem **prurientes**, aut imminentem narium hæmorrhagiam, aut delirium præ-sagiunt; In infantibus vero interdum lumbricos indicant, te-stet *Mæb. Inst. p. m. 421.*

IV. Nasus apparelt **acutus** in Phthisi ait *Rolfinck. Meth.*

cogn. & cur. part. Corp. aff. l. i. p. 2. c. 6. p. 152. Quid porro summus nasus acutus, albus denotet, v. Wolff. Christ. Wessener. Disp. inaug. (Jene 1675. habit.) c. 8. p. 35.

## C A P. XI.

### De usu Physiognomico Nasi.

I. Ex solo tactu globuli & orbiculi nasi virginem corruptam judicant, Mich. Schott. teste Th. Barthol. A.R. l. 3. c. 10. p. 357. & J.B. Sinibald. geneanthr. l. 4. Tract. 2. c. 3. quod absurdum censeo.

II. Nasum **acutum** hominis ad iram valde proni esse signum communis est sermo, quod etiam aliquo modo potest admitti, causā hanc damus, quia pleriq; temperamenti sunt Cholerici, seu biliosi, qui ob lēvem causam ira accenduntur.

## C A P. XII.

### De usu Mcdico seu Therapeutico Nasi.

I. Nasum abscissum restaurari posse, varie sentiunt autores, alii pro, alii contra;

II. Nasum recenter descissum restituit Jac. Holler. Chir. l. 2. c. 5. ap. Schenk. Obs. de cap. Obs. 343. Chirurgica operatio, qua nasus aut abscissus, aut à nativitate curtus ex brachii carne, aut ex servi naso reficitur, fabulosum non esse volunt aliqui. Exempla quædam ad Orpianum scribit Steph. Gourmelen. Chir. l. 1. ap. Schenk. Obs. de cap. Obs. 344. Historias quasdam, modumq; conficiendi ex aliis auctoribus tradit Schenk. Obs. cit. Consentit Gottfried Voigt Physicalischer Zeitvertreibers. c. 2. quæst. 9. Ubi integrum catalogum ipsi adstipulantium recenset. Nasum resti-

restituit J. Griffonius apud Hild. Cent. 1. Obs. 31. Consentie. Petrus in Nosol. Harmon. Disp. 44. quest. 1. p. 399. & Frid. Hoffm. in Meth. Med. l 2. c. 2. p. 418. & seqq. & fuse G. Francus Praec. honor: disp. de Restitutione in intigrum §. 5. Heidelb: 1672.

III. Periculorum hoc esse dicit P. Zacharias Quest. Med. Legal.

IV. Nasum tamen restaurari posse negat Schenk. Obs. de cap. Obs. 345. Ubi rationes reddit, parumque isti experientiae tribuere videtur Fel. Plater. prax. tract. 3. c. 1. p. 83.

V. Formulæ vero medicamentorum pro variis nasi affectibus p. n. facile possunt scribi, sed cum practicorum libri hinc inde prostent, eo temporis gratia avidum lectorem alegare debui.

VI. Et hæc peracta, auxilio divino, sufficient, cui sit gloria, atque honos, & faxit Deus, ut omnia cedant in DEI gloriam, atque proximi salutem.

### Ad L. B.

### E R R A T A.

Quæ forte irrepserunt sic corrige, pag. 9. lin 23. iis, evelluntur, pag. 10. lin. 8. pro extremias, extremitas, lin. 12. rentque: lin. 28. pro quæamus, quea mus p. 11. lin. 2. pro fœminem, fœmineum. pro Nafus, Nasi lin. 23. pro und, unde, lin. 25. &, J.p. 12. lin. 1. pro discerminans, disternans lin. ult pro mevetur, moveretur, p. 13. lin. 9. pro. 3. V. pro Paschalis. paschatis. lin. 13. pro Hermersem, Hemmersani lin. 17. pro naasi, Nasi. lin. 24. pro Inquit, inquit, p. 14. lin. 5. pro controquent, contorquent. lin. 29. pro. massa, Massa. p. 15. lin. 12. pro auscultantium auscultantium, p. 16. lin. 11. pro Conformatioonis, organicum. lin. 25. pro ethmoidis, ethmoides, reliqua jure humanitatis mihi condonabis.

**U**T solet excultis qui semina credidit arvis  
Lætari larga messe colonus agris;  
Gaudia sic FISSLERE probas, docilique labore  
Ars medica ingenio credita messis inest  
Gratulor ex animo, bene cedant omnia voto,  
Et meritis studiis digna corona tuis!

Nobil. Dno. Candidato Disputanti  
pro summis Med. honoribus hac  
amica manu scripsit

# JOH. WOLFGANG TEXTOR D.

**O**mnis habet Nasum! Nasum non omnisha-  
bebit!

Olfacit hicce magis, quod facit iste minus.  
Sunt equidem multi, qui rhinocerotis ad instar  
Ostendunt Nasum, sed sine mente, suum.  
Si perges Nasum sic exercere peritum  
Ipse Tua fama carmina Naso dabit.

Nobiliss. atque Clarissimo Domino  
**CANDIDATO FISSLERO**  
Optimi Candidique Viri Filio Genuino  
adplaudebam

**GEORGIVS FRANCVS**  
**Med. & Phil. D.P.P.**

Er kan nicht Nas-weiß sein / der Tag und Nacht gesor-  
 get  
 Vmb Kunst und Wissenschaft / die mann von Göttern  
 borget /  
 Wer aber obenhin dieselbe hat berührt /  
 Und bild ihm doch mehr ein als sich mit recht gebührt /  
 Der mag mit gutem Zug den Nas-Weiß titel führen /  
 Ihr aber / Werther-Freund! wer sich / wie Ihr / lässt spüren  
 Auff Kunst-gebahnten Weg / und wer sich Tag und  
 Nacht  
 Zu lernen hat bemüht / der wird zu Ehren brachte.  
 Ich wünsche nun Glück zu Euren neuen Ehren /  
 Der Himmel wolle fort dieselbe mehr vermehren /  
 So so könnt Ihr mit recht Apollens Pflegsohn sein /  
 Der Euch in seine Zunfft nunmehr gelassen ein.

Dieses sechste auf sonderbahrer Schuldig-  
 keit dem Herrn Candid. als seinem  
 werthen Freunde zu ehren.

J. D. GEIER. M. St.

Tu Phæbi Soboles meritos acquiris honores,  
 Et gaudes Medico Te decus esse foro.  
 Æmule Tu Patris , Magno Jovis incre-  
 mento

Mox laudes amplas Magnus Apollo dabit;

Nam


Nam Medicæ doctum Cathedræ Te jure vocabunt.

Qui calles morbos ritè fugare graves  
Gratulor ex animo Pallas tua vota secundet,  
Applaudo studiis, *Candide Amice tuis.*

sic

*Votivo calamo nobilissimo & pereximiō  
Domino Candidato amico suo integer-  
rimo accinit*

Henr. Ullmannus. J. St.



N A S V S

per Anagramma

S A N V S.

CUr solus Nasus, Tibi, dic FISSLERE, placebat?

Quum curæ solus mox Tibi SANVS erit.  
In sanos sanes, dein fac medicamine Sanos,  
Et sane SANVS sis maneasque precor.

*Sic Nobilissimo Domino Candidato  
gratulatur*

Daniel Böcherer Med. Stud.